



LIBER EPODON.

HIPPOCRATES AULICUS.

S I V E,

De Re Theo-politica
salubres Aphorismi.

Ad CAROLUM II. Hispaniarum
Regem, Orthodoxi nominis
Atlantem.

O D E I.

O Celle regum, Caesaris Iberi nepos,
Bætiſque ſidus, CAROLE;
Cui vagienti ſalciam Gangeticis
Pinxere baccis Gratæ:

Mox, cum puſillo preſſeras Aulam gradu.

Præbente vim pueritiâ,

Aſtræa libræ vindicem ſuæ pio

ſuſpendit enſem balthæo;

Gemmaque nexis crinibus ſenſim dedit

Fulcire Tarpeiam Fidem:

Ne quid togatis ingruat curis vitæ,

Rectique vis elanguat;

Ad-

Adsum Sicanis Romulâ accitus Iyrâ
 Ab exedris HIPPOCRATES,
 Palam daturus multiplex morbi genus,
 Quod Curia lædat duces.
 Fortasse regum postibus versatilem
 Pandora fixit pyxidem.
 Prodest medelam nosse, & imminentium
 Obstare signis febrium.
 Pallefcit ostrum regia: licet Tyros
 Infusa, vel sidon foret:
 Ni decolores proluat villos toga
 Floris Palæstini cruor.
 Palloris index, unica est cælestium
 Percussa mens oblivii.
 Profanus hinc cerebro ineluctabilem
 Figit veterenus anchoram;
 Donec dolosâ Cæfares malaciâ
 Mergant soporatum caput.
 Prodest suprema discuti somnum tubâ;
 Ultâque stellis cassidâ.
 Ne visa luces fascinet Venus, prope est
 Modestiae collyrium;
 Aut flore cano lilium, sua satum,
 Suâque adultum lacrymâ,
 Si destinasset turpiter vagantibus
 David lupata palpebris,
 Sospes fuisset. Unicum hoc vicit fuga;
 Aut cauta vis contagium.
 Exulcerantur aurium laxæ fores
 Palpantium garritibus.

Levissæ cera juverit ; qua Thessalo
 Frangatur Hybla fascino ;
 Aut obferasle vepribus tenerrimi
 Foraminis cuniculos.
 Vanescet omne faucium rubis melos,
 Mollisque suadæ sibilus.
 Procella bilis , Icteros , Mavortii
 Augetur iræ fluctibus.
 Ut ultionis turgidam cupidinem
 Arcana commovit lues,
 Exasperato mergitur fellis lacu
 Pacata vultus comitas.
 Egrescit inde marcidus venis cruor,
 Mitesque sensus ulcerat.
 Heu , quot profudit imperi Busirides
 Agrestis indignatio !
 Sopitur hic circumfluis Diris furor
 Rubentis Agni balneo ;
 Aut rore baccae , quam columba candido
 Quondam momordit osculo.
 Urget tricenis languidas nodis manus
 Chiragra cultrix otii,
 Quas ferendis fascibus signat rudes
 Armat pharetrâ , quâ diu,
 Noctunque sistant mobilem muscis fugam ;
 Vilemque palmam flagitent.
 Huic est veneno pharmacum , plausus ferax
 Anhela frontis lacryma.
 Fregit tumorem dexteræ Quiritium
 Culti triumphus vomeris ;

Cyroque segnem diluit socordiam
 Vallanda pomis area.
 Verum serendo triticum, quo iusserat
 Cœlo elaborandam dapem,
 Morbo levamen aptius, Boëmiæ
 Tutela, VINCISLAUS tulit.
 Quod si Gradivus oppidis impendat,
 Regumque scindat infulam;
 Ne feriat mordeat mucro latus,
 Ametque fœdus fibulæ;
 Molles adurat frondeo attritu manus
 Avita laurus Cæsarum.
 Multis abegit dexteræ ignavum nefas
 Pictura Scanderbegij,
 Cujus lacerto Noricam solertior
 Natura finxit cuspidem.
 Angina ne quid faucibus damni ferat,
 Apiciani gurgitis
 Luxu cavendum. Guttur elisit ferox
 Anacreonti lesbius.
 Absterget ulcus intimum recentior
 Saliva jejunantium;
 Aut innocentis poculi inspersus mero
 Fellis Palæstini latex.
 Vero superbas integri Laconicum
 Rubente strumas purpurâ.
 Huic una morbo pulveris adusti rogo
 Salubris est inunctio.
 Quas purulento turgidus collo vomit
 Sesostris audaces minas,

Subditque reges curru, vectus suæ
 Mortalitatæ effedo?
 Pressit reclinem tutius Crucis jugo
 Rex HERACLIUS verticem.
 Quos umbra jovit Golgothæ, factus ferax
 Libanitis enervat cedrus
 Urit tumultu civico augustum togâ
 Neglecta Pleuritis femur.
 Aculeatum ne ferociat malum,
 Circumlinenda initibus
 Stirpis fabeæ lacrymis præcordia,
 Vel purpurâ papaverum
 Sensim perustis permeans succus fibris
 Rostrum soporat milvio.
 Rarò severus profuit myrrhæ frutex
 Rugalve mentitum piper.
 Quòd si timendis lividus calumniis
 Divexet Aulam calculus;
 Emollienda viscerum repagula,
 Et quidquid injusto premit
 Sub falsæ renes Curix: malim cutem
 Rubere, quàm fodi latus.
 Fatalis Hydrops, Tantalo impactus furor,
 Potentiorum turgidos
 Infamat artus. Lydia hanc febrem sitis,
 Aurique pallor asperat.
 Gaze rubigo solvet, & suspirium
 Codro propinquantis Midæ.
 Duxisse Rhenum cassidâ salubrius
 Quam gemmeo Tagum scypho.

Cum purpuratis plumeo constat toro
 Podagra furis compedes ;
 Languet tribunal , faucibusque legibus
 Torpet Palatinus vigor.
 Periculosa molliet nodos moræ
 Delphinis ambusti jecur ,
 Qui nuper hæsit anchoræ ; vel illitus
 Jordanis humor cruribus.
 Festinet Æquum Veritas : lento tamen
 In flagra currendum gradu.
 Cur sponte figat culcitram nodo graves
 Inculca Majestas pedes ?
 Invisat ipsa Curiam , & justo pigram
 Festinet in bello tubam.
 Inter Gradivi senticeta laureas
 Pellæa cuspis messuit ,
 Plura indicarem priscus Aulici comes ,
 Et cultor Æsculapii :
 Ni faultitati Bæticæ Vates forem
 Daturus hæc prælagia.
 Aulæ juventam vivida afflabit salus
 Sub CAROLI securibus ;
 Legumque cultrix Æquitas Ibericæ
 Occurret innocentæ.
 Quin Vaticanas osculabitur nives
 Auriga Virtutum , Fides.
 Quam sic Iberus fulciet Tiryntius ,
 Ut fessus Atlas gaudeat.

ARBOR CAPILLATA
PUDICITIÆ SACRA.

Ad coërcendum criniti hujusce
seculi luxum erecta.

AD LUCIUM BALBINUM.

O D E II.

CUR Graia tantum velleris fulvi sitis
Enavigarit Colchidem
BALBINE quæris? splendidum Phryxi pecus
Haud se Pelasgi noverant.
Ut culta cervix divitem fudit comam;
Amisit Argo remiges.
Nec Tiphys ullus, aut Jasonis nepos
Scrutatur urnam Phasidos.
Sulcanda buxo crinium superbia
Laboriosos prævocat
Ad linae luxus navitas. sed auream
Timent procellam ferreo
Secare rostro. Quin, ut astuent magis,
Crispantur igni vortices.
It usque, & usque profusus sudor genis
Flavam remensuris Thetin.
Prius repxâ candidæ frontis jubâ
Ad usque colli margines.

Sopora passis hinc , & inde crinibus
Inducitur malacia.

Mox in recurvos asperatur anulos
Ferri rubentis spiculo.

Crinalis inde fluctus ad risum Noti
Flagellat oris littora :

Rosâque suctus purpurare , candidam
Nutrire spumam respuit.

Quodd si propinquam polluit crepidinem
Senilis argenti tumor ;

Aut pressus auro fluctuum componitur ,
Aut erubescens croci

Rufatur ostro. Quæritur lentiscinam
Quæ sudet ora lacrymam ;

Aut per vepreta saltuum , & cavos specus
Excussa pellis anguium :

Potat capillus interim promiscuo
Litam veneno purpuram ;

Spirasque nactus Dædalas in tortile
Dilabitur corallium.

Quin ille , cum jam pulveris Midæ satur,
Imbri corusco Cæsarum

Inpersus olim palluit , tanquam foret
Pollucis astrum , fulgurat.

Nec excubantem longius celat Pharon ,
Sublimè si crinis flagret.

Hic prora fastus navigat , sed gemmeo
Cum mordeatur arctius

Comata Doris vinculo , smaragdinas
Sæpe in Maleas frangitur.

O, quem pericla terruere naufragi
 Pudoris, & Saturnium
 Enutrientis seculum modestiæ,
 Caput novaclâ tondeat!
 Flavescet ultro pendulum Vellus sacrâ
 Divis Palæstinâ Cedro:
 Donec serenis annuant stellæ choris
 Hac velle criniri jubâ.

BETHLEEM SICULA.

Sive,

Multiplex PIETATIS MAMERTINÆ
 lusuf extruendis INFANTI
 DEO PRÆSEPIBUS.

AD D. MARCELLUM CIRINUM,
 Equitem Messanensem.

O D E III.

ET hîc December aureum potat Jovem,
 Pluvijisque roratur favis,
 Nec bruma veris æmulas celat rosas,
 ZANCLÆA quas metat manus,
 CIRINE dulcis. Sicanos aut irrigat
 Æther Palæstinus lares:
 Aut rursus ad Peloridem visus plagam
 Vagire BETHLÆUS PUER.

Sic est : repensa solvitur merces pijs
 Laboris innocentiae,
 Quis quisque parvo Numini supplex studet
 Vovere Natalem spectum:
 Tam rara sunt, quæ vidimus, ZANCLEIDOS
 Opulentiae miracula.
 Hic certat artis Dædalum decentior
 Citare fastus pollicem,
 Spiratque luxus aura sanctimoniam,
 Quæ figat astris infulam.
 Haud picta tantum multiplex opus parat
 Caryltiis guttis flex.
 Est quæ pyropis, & smaragdorū gelu
 Compacta moles ardeat.
 Hic gemma curvat punicum testudinem,
 Stillante baccâ lacrymis:
 Tophusque flavo purpurans corallio
 Rubente scintillat tholo.
 Fores achates asperat; suo Ceres
 Auro pavimentum tegit,
 Sectumque sternit Virgini puerperæ,
 Blandoque crinem filio.
 Cui cera vivax artubus compsit nives,
 Grati ruboris conscias;
 Et fulgurantem Delium fixit genis,
 Binos ocellis Castores.
 At ille brumam perpeti insuetus pedem
 Sublimè ductum contrahit.
 Jam penè plorat, gemmeumque fornicem
 Afflat puer suspiriis.

Floraret Echo , ni profundus æmulus
 Fletus coërceret stupor.
 Adstat puello concolor suo parens,
 Mutisque flet singultibus.
 Quin intus ardet , cereoque succinas
 Coruscat è vultu faces.
 Ut liberales pueri in amplexus , simul
 In prona pendet oscula !
 Amoris æstum Dædalâ tantum prece
 Denudat , & silentio.
 Submissâ circum rustico pubes genu
 Regem coronat Daphnidem.
 Et ne tributa munerum mapalibus
 Amica paupertas neget,
 Mopsus nivosi velleris pulchrâ premit
 Accline tergus sarcinâ.
 Brumalis uvæ copiam sapphirino
 Vovet quasillo Tityrus ;
 Quæ nexa mentientibus licet botris
 Traheret Apelleas aves.
 Lactis coacti sylvius massam suis
 Dum fert lacertis , mobilem
 Tentat choream ; gaudii sed compedem
 Expertus insaltu , riget.
 Afflatus hæret interim cunis Mycon,
 Vultuque soles evomit,
 Binam filebo belluam baccis gravem,
 Quæ dum Tonantem calfacit,
 Possit coruscis inseri fastigiis
 Auctura turmam siderum ?

Sed, ne triumphis obstrepat BETHLEMIIS
 Asellus, aut Bos corniger,
 Lapsi supernis Alites valvis ruunt,
 Mutâque plaudunt nœniâ.
 Circum procella fulgurum dives fluit,
 Rigatque speluncam Tagus.
 Hinc forta vernat aureis humus rosis:
 Suasque miratur nives
 Comi December suavè flavescens,
 Ridente Flora, frondibus.
 Hæc qui videret, hic adesse Thraciis
 Juraret Aprilem rotis;
 Tam fabra veris gratiam illustit manus,
 Vivâque clausit bractæâ.
 Infutus auro sufficit bombyx croco,
 Regique florum. sanguinem.
 Idem corymbos nodat, & mollem seris
 Violariis ferruginem.
 Jam se fateri Teucriam victam decet,
 Si palpebris semel suis
 Suspensa parvo huic limini conterminæ
 Theatra sylvæ perlegat.
 Hinc, & comantes inde clivi gemmeam
 Antro coronam circinant,
 Verruntque fictas Pleiades, smaragdinam
 Tollente cedreto comam.
 Hic gratus horror serico pictus metu,
 Spelæa concinnat seris;
 Aprosque fulvis hispidos coralliis
 Venantium objectat plagis.

Latrare credas usque fulgido
 Fusos metallo Verragos:
 Jactisque latè ludicris hastilibus
 Findi laceffitum Jovem.
 Quà collis imum contrahit pedem, frequens
 Crystallinis venis humus
 Dispensat agris, pascuisque lacteos
 Spumantis argenti lacus.
 It inquieto prodigum nectar gelu,
 Sternente beryllo fugam;
 Quod irrigatas ocyus cogat Syrâ
 Ridere plantas lacrymâ.
 Scenæ virentis aream vallat suis
 Pomona propugnaculis:
 Hortique miro pensiles suspendio
 Utrumque prætexunt latus.
 Non huic Vopisci Tibur, aut Phæacium
 Certaret Autumno nemus
 Vel ipse fulvis excubans malis draco
 Devictus hinc discederet.
 Quò sumptuosa per pericla vallium,
 Per rura dumis gemmea,
 Per tesqua, perque fluminum crepidines
 Phrygiâ elaboratas acu,
 Obtutus errat? Hinc Hymettias agunt
 Odora prata nundinas:
 Thymbraque fulvis illitæ stellis apes
 Ficto laceffunt osculo.
 Illinc senatus rustici prætoria
 Ovillum præfunt foro;

Fœtisque jura fanciunt. Pars exigit
 Metam nivalis casei.
 Pars mulctat agnas vellere, & diu vagam
 Compellit in caulam gregem.
 Sed, quod cubile sericum conspexerit,
 Adire non audet pecus;
 Quamvis tegatur murice, & credat sua,
 Quæ flava gestat stamina.
CIRINE, Cyrus imperare civibus
 Sic purpuratis posceret:
 At ipse mallem cerei infantis pede
 Famularè submissus premi.
 Heu nudat artus, meque succendit suo
 Pusilla paupertas gelu.
 Valete factus, fabra **MESSANENSIVM**
 Quotquot caterva mystico
 Huic vovit antro. Vidimus Gangeticis
 Sæpe extrui conchyliis,
 Cochleisque, & auro sectili natantium
 Testudinum illusas specus.
 At una solùm condidit sese meis
 Bethlæa bacca retibus.
 Laudo Sicanum è textili pennâ larem;
 Seu pictus ales Phasidos,
 Sen pavo **BETLEM** struxerit, qui plumeis
 Tegat cavernam palpebris,
 Et mille versicoloribus guttis rotet
 Cristata lucis fulgura.
 Verum fatebor: unicum me perculit
 Tot inter alites jubas

Implumē Numen. Cæteras cur flagitem
 Spectare ZANCLÆAS opes:
 Hic, hîc quiescam, splendidum nactus meis,
 MARCELLE, nidum gaudiis.
 Jam jamque tutus dormio. stravit suas
 DIVINUS hîc plumas AMOR.

ANATOMIE ATOMORUM
 DEMOCRITI,

Cujus sententia de fortuita rerum
 ex ATOMIS procreatione
 deridetur.

AD NAZARIUM RIPAM,

ODE IV.

PAnætianæ porticus examina,
 Cynicque potores cadi,
 Et quos stagiræ tussientis exedræ
 Priscos adoptarunt sophos,
 Huc, huc adeste. Concolor lacti dies
 Natalis est DEMOCRITI:
 Quem nulla tristis increpet, stellas precor,
 Corvina vox convicio:
 Nec ulla fuscis, hinc, & hinc contagiis
 Afflata nubes polluat.
 Hanc devovere gestiunt facetiis,
 Jocisque lucem Gratia:

Et, quo cachinnis turgidum crepantibus
 Laxissimum splenem gerant,
 Post Heraclito lacrymas, & asperi
 Mœtoris absterfam luem,
 Dant hospitales confluentibus viris
 Exilium ATOMORUM dapes.
 Quod Pallas olim struxerat convivium
 DEMOCRITI vagitibus.
 Nunc Alpha discumbentium cultro vagas
 In frustra micæ dissecet;
 Deartuetque luminum ludibria,
 Motique spumam pulveris,
 A cuspidatâ solis esurus comâ
 Sublimè protractum nihil.
 Rideris, ohe ferculum palantibus
 Pinguissimum mendaciis!
 Ridetis inquam? sed cachinnis uvidus,
 Largique pulmonis senex,
 His è minutis anferem corpusculis,
 Gignique mullos edocet.
 Nec Bacchus uvas, nec vireta frondeo
 Priapus auro comeret,
 Ni gracilis ille exercitus promiscuo
 Concreâsceret conforrio.
 Huic forte ludum prandio deposcitis
 Pulsâ elaborandum chely?
 Me Vate, nulla garrulam consopiet
 Testudinem malacia.
 Jam plecta nervos pollice incurvo terunt
 Blandumque venantur melos.

Tu docte R I P A , gaufape , & veterrimâ
 Fretus lacernâ Socratis
 Perfringe ferrum , Dædalamque cuspidem
 Molire in A T O M O R U M cutem.
 His scinde venas , æmulusque Pœonum
 Incide pallentes fibras,
 Et quidquid hæret nuclei tenuissimis
 Absconditum compagibus.
 Nam tunc videbis mutuo miscerier
 Crasloque mergi nubilo:
 Post hæc gregatim fervere , & tumentibus
 Inflarier coagulis;
 Donec coruscum construant Divis larem ,
 Teretemque telluri globum.
 Pars in epicyclos siderum rotabitur ,
 Astrisque succendet rotas.
 Pars in liquentes aëris tractus fluert,
 Suasura pugnas Æolo:
 Aut incalefcet in caminos fulminum ,
 Læfura fastus montium.
 Pars concitandos. Nereo sternet lacus,
 Squamisque phocas induet.
 Pars ima terris faxeum dabit latus,
 Udasque venas amnibus,
 Et invidendi verticis superbiam,
 Cristata ferta , rupibus.
 Miraris huic exilium rerum gregi
 Tantos inesse spiritus ,
 Viresque ; quamvis artibus scētis volent ,
 Si se vicissim copulent ?

Parent Sophistæ nutibus, & oraculo
 Longiū cachinnantis viri;
 Cui pingue Pallas extudit torno caput,
 Sub macra lunæ cornua.
 Quod si eruditi filicis attritu petat
 Fragmen favillæ Veritas;
 Ad fortuitam proximi Casus Pharon
 Tutam locabit anchoram.
 Ergo tonabis Socrates Trinaerius,
 Feriesque vi dilemmatum
 Frontis protervæ somnium, quod allatrent
 Plenis Lycea scommatis.
 Si cuncta cæcos sortiuntur exitus,
 Luccmq; sub Casus pila
 Conceptus æther hausit, & quidquid suū
 Complectitur Phœbus comâ;
 Cur astra ineluctabilem perennibus
 Fidem choreis educant?
 Cur incitatus Delium nunquam pigrâ
 Fefellit Æthon unguâ?
 Aut sic nusquam decidens Orioni
 Coërcuit ferociam?
 Idne est Minervæ consonum suffragio,
 Sophique dignum pallio,
 Quod fortis osculetur incertissimam
 Librata tellus aleam?
 Cur non pruinas inter, & brumæ nives
 Verno intepescit halitu?
 Cur non aratro saucia in smaragdinam
 Vel ferream erumpit trabem?

Num pinus ullam protulit nautis ratem
 Remisque , & antennis gravem ;
 Vel scissa rupes edidit Marpesio
 Affine delubrum jugo ?
 Cur ista tellus deneget , si fertilem
 Distendat alvum Casibus ?
 O parce , parce NAZARI , DEMOCRITO
 Urgere ballistis jocos :
 Ridebit usque , & usque pervicacius
 Ad missiles phalaricas.
 Vin huic cachinnos , gutturisque ludicram
 Frænare contumaciam ?
 Attolle dextram ; inque oscitantes aridum
 Impinge fauces furem .

T H E A T R U M ,
 S Y L V Æ Q U E P E N S I L E S L U C I S .

Sive ,

Meteorici afflatus quidam ignei,
 qui ex bitumineo , sulphureoque
 euripi Mamertini , solo per æstivam
 quandoque malaciam , vi Solis in
 sublime educti , multiplicis scenæ
 lucidæ , prout subjectus ille colli-
 um camporumque , & propinquæ
 urbis Messanæ tractus objicitur ,
 ju-

jucundissimam imaginem repræsentant. Quam vulgò MORGANAM RHEGINORUM appellant. Legatur Athanasij Kircherij Societ. JESU. *Ars magna Lucis, & Umbra lib. 10. cap. 1.*

Canebat hoc carmen Auctor,
 Cùm hoc naturæ prodigium Rhegij
 forte contempleretur.

O D E V.

QUAM compeditam nobili spectaculo
 Pupilla potat ecstasim,
 Amatque lucis inter hæc convivia
 Potare majorem sitim?
 Aut huc utrâque fudit artifex manus
 Natura gazam fulgurum:
 Aut hîc reclusit intimam Cælestium
 Rimosus ather regiam.
 Proh quæ voluptas? Dædalo suspendier
 Fulgore scenam vidimus:
 Quam si videret infularus arbiter,
 Pœnique custos liminis.
 Nollet triumphis interesse Romulis
 Latioque mirari Duces.
 Frons ima ponti, littorumque linea
 Fulvis flagrat coralliis;

Argenteique vortices liquentibus
 Fracti pyropis purpurant.
 Hinc, & coruscis inde millenæ rates
 Comuntur astrorum jubis;
 Puppique, & alni pensilis carchesio
 Furantur Argoum jubar.
 At dum fatigant igneum rostris fretum,
 Hyememque radiorum secant,
 Vident jocosæ remiges lapsis polo
 Latrare Scyllam siriis,
 Gemmisque scintillantibus saturniam
 Ardere Falcem fluctibus.
 Premit nitentes littorum crepidines
 Urbis theatrum flammæ;
 Quo mille flagrant Cyllari curulium
 Sub essedorum farcinâ.
 Auriga Phœbi quilibet credi potest,
 Phaëthonte non ipso minor.
 Vibrant favillas missiles è fistulis
 Rorata saxa fontibus;
 Fictæque circum Najades stellantibus
 Superbiunt Aquariis.
 Centum coruscis Zanclias quævis domus,
 Et arx columnis æstuat;
 Spiraque lucis tortili palatius
 Curvam rotundat Deliam.
 Inambulantes hinc & inde fulgido
 Scenæ theatralis foro
 Cives onustos ignibus, propaginem
 Satam putares Phosphoro.

Cacumen Urbis. turriumque , & ædium
 Fastigiati pumices
 Luctantur auro luminum ; quod divitem
 Expugnet Auroræ torum.
 Sublimè fixit pendula fultum face
 Pomona diversorium ;
 Opesque ruris aureas hic extulit
 Inciduas Tirynthio.
 Corcyra flagrat undique , & Tiburtium
 Hic vernat in flammâ nemos.
 Rigatur imbri gemmeo Atumnus ferax,
 Flavoque rivorum gelu.
 Hic & roseta lucidum potant Tagum,
 Rubentque stellis lilia ;
 Perambulante flammæis Majo comis,
 Rubrisque Florâ mannulis.
 Non hic recisis fulgurum ramusculis
 Desideres topiaria
 Nam sæpe ludit igneâ , & frustra rotat
 Jovis satelles fulmina.
 Phœnixque flammæ inter exarmat necem ;
 Nec deserit cunabula.
 Sulcat Charybdin auream liburnica,
 Pigrosque suspirat Notos.
 Clangente juxta personat Triton tubâ,
 Crispatque radiatum mare.
 Custos vitæi pensilis Orion ciet,
 Quos potat , imbres ignium.
 Vicinus Atlas , artifex lucis frutex,
 Lunante dorsum machinâ ,

Sudat favillis ; qualis Eoo fluit
 Sub axe curvatus Phlegon.
 At non oportet splendidos , ne pullulent ,
 Ferro fecari cespites.
 Nam , cum sit huic brevissimum sylvæ decus ,
 Qui germinet , deest vigor.
 Non tot trigonum suaviter flaventibus
 Scatet vitrum mendaciis ;
 Quot lucus hortis immineas venantium
 Dat fulgidas telis feras.
 Hinc , ceu Diana sisseter fulvum gregem :
 Occurrit ursa Parrhasis ;
 Et qui jubatas explicat collo faces
 Rugire nescius leo.
 Fulgoris ostro purpurant illinc tigres ,
 Stellisque flagrant simiæ.
 Sed cur pavefcant , incruenta cùm sciant
 Lucis rotari spicula ?
 Utrumque curvum nobilis scenæ latus
 Smaragdinos fert angulos ,
 Clauditque mira lucidæ Pelasgidos
 Cum Libero certamina.
 Hinc infulata frugibus nitet Ceres ,
 Rutilâque fluctuat comâ ;
 Centumque bobus post trophæa messium
 Inaurat igni cornua ,
 Lyæus illinc nexiles Phœbeio
 Uvas tegit conopeo ;
 Lesboque nutat pensili , nitidissimum
 Claudente nectar bractea.

Sum-

Summum micantis aræ fastigium
 Coronat auro textili
 Infusus Æthon. Irides centum vomit
 Quævis crepido montium.
 Natus, simulque mergitur sapphirino
 Qui spectat hæc Atlantico.
 O ver coruscum! ô palpebris siren meis!
 Pictura radiorum ferax,
 Cachinnus auræ ucidus, convivium
 Natale Titani sacrum.
 Heu, quò theatrum decidit? nubes levis
 Larvata stravit gaudia.

APOLLO PHARETRATUS
 IN ZOILOS.

AD DECIUM LOMELLINUM.

O D E VI.

NUM Pythona suis tantùm indignatus
 Apollo
 Fodit pharetræ spiculis?
 Deteriora putri limo conflata sub auras
 Portenta livor edidit.
 Cadmeo veluti foret hæc sata dente draconis,
 Armata succrevit seges,
 Plus formidatis Phœbi ferienda sagittis;
 Quàm mutæ cladis siri.

Aspi-

Aspice quos dederit demens audacia vultus.
 Potumque lac calumniis.
 Tristi supercilium setis hirsuta simultas,
 Arcuque clausit nubilo.
 Pauperis ingenii fastus (si credere fas est)
 Lunavit hircinum caput.
 Dumque verecundum malè diluit ore pudorem
 Frontis protervæ pagina,
 Lædendi sese infudit pruritus, & atro
 Infecit igni, lumina.
 Pro calamo, innocuas læsuram sponte Ca-
 mœnas
 Megara porrexit facem.
 Rodunt, ceu mures, palmas; & Dædala quot-
 quot
 Minerva laurus educat.
 Nec solum Cynico feriunt portenta latratu:
 Figunt venena moribus.
 Missilia hinc atque hinc torquent convicia
 verbis,
 Ut tela vibrant histrices
 Non tutæ regum trabæ non stemmata va-
 rum,
 Non ipse virtutum chorus.
 Auderent majora, suis si turpibus esset
 Fortuna votis concolor.
 Nam fuit è densis extracta nitedula dumis
 Summi Tonantis infulam
 Rodere quæ vellet. Cælo potiora dedissem
 Terræque cunis semina;

Bellua sic fatur : patiar pallefcere Phœben,
 Tegique crinem Delio?
 Cur ftabulant ftellis pecudes ? cur dira coru-
 fcat
 Iratus æther fulmina?
 Turbineis nubes ne verberet aura ftagellis,
 Ferrem catenas Æolos
 Deducet Oceanum fremitus:fpumare cachinnis
 Ripâ juberem gemmeâ.
 Tum nullus fatuam pallerer navita fcyllam;
 Turpeſve phocarum greges.
 Si tellus ftatio eft noſtris tutiſſima rebus ;
 Ad uſque ſummotam ſtygem,
 Cur hiat in valles altis modo nubibus æquat
 Inhospitales Caucaſos?
 Pollenti num fulta manu eft, quæſæpe vacillat,
 Fractiſque mugit faucibus?
 Cur Ætnæ liceat liquidos jacularier ignes?
 Paduſve mergit Inſubres?
 Mollius innocuis parent elementa lupatis,
 Si providum norint ducem.
 Ipſe equidem nullis ſinerem ſqualere cicutis;
 Denſiſque rura carduis.
 Pœnis arma jubis auferrem, tigribus iras,
 Marſiſque nodos anguibus.
 Quin limo meliore darem mortalibus omnem
 Oris venucti gratiam,
 Ac mite ingenium. In pumilos ſic nulla gi-
 gantum
 Phlegræa vis erumperet

Non Phalarim ferrent Siculi , non Roma
Nerones ,

Non tela Graiûm Teucria.

Grandia pacatis nodassem scepra pyropis ,
Rosisque fasces curiæ.

Fixissem dein centenis regna inclyta clavis,
Ne , missiles velut pilæ ,

Fortunâ varios intermiscente tumultus ,
Elata mox proeumberent.

Nec satis ad nostros deflecteret effeda nutus
Soror Volupratis salus.

Nulla forent terris contagia , me Jove : nullus
Urbes Machaon ungeret.

Sponte suâ Cælo descenderet , ipsa juberet
Canere messem faustitas ,

Et facilem Bacchum tumidis effervere prælis,
Trudique mella cauribus.

Secula cum fluerent his pubescentia iustris ;
Multa vaporatus prece

Jupiter, explerem numen, nomenque Tonantis
Miti Pronœâ turgidum.

Heu cur pigra ruunt stellis fractura rebellem
Trifulca tela belluam ?

Nam satis , in reliquos si vindice sæviat arcu
Phœbi sagitta ZOILOS.

Hæc olim Archilochos armavit , & Hippo-
nactes ,

Lectumque Cyrrhæ militem.

Pila Theoninis tamen hæc imbuta venenis
Vix torquet animosus Mæro ;

Cum pereant Bavij, si negligat; & sibi Flaccus
Olere dicat Mavios.

PUNICI FORI PICTURA.

EX D. August. lib. 16. de Civit.

Dei cap. 8.

Sive,

Improborum Imago.

AD FAUSTINUM LANCELLOTUM.

O D E VII.

USque adeo, FAUSTINE, meis onerare
nugis

Ut lassus aures deprimas?

Jam memini, quoties oculis suasere soporem
Ingrata buxi tædia.

Pervigiles nunc obrutus sibi scena respicit,
Quam PUNICO pandam FORO.

Monstriferis scater illa viris, semperq; ferax est
Tellus Elisa belluis.

Quidquid in humanis olim est cõmentã figurã
Vetusta vulgi fabula,

Illic suspensio Pœnæ solertia dextræ
Saxi coloravit gelu.

Cerberéis nonnulla cohors in limine rostris
Muto latrabat spiritu.

Plurima Pygmæi fastus, hærensque solo pars,
Ut solis arceret facem,

Ex.

Extulerat : veluti non parvæ umbracula nubis,
 Imi pedis vestigia.
 Altera, cui sese gessit natura novercam,
 Tanquam trucidatum foret
 Ex humeris, caput in parulo thorace ferebat;
 Premente tergus tubere.
 Porticibus mediis, fabro densarier auro
 Informe pumilorum genus
 Aspiceres, cui distortis in cornua furis
 Hæret retrorsum duplici
 Pes cubito major. non hos aut Pegasus ales,
 Ladæve cursu vinceret.
 Jamque irritassent in Martia signa Camillana
 Pictura ni ferret moram.
 At circumfusi Pygmæis forte Cyclopos
 Inter myricas arduæ
 Ceu pinus stabant, visæ protendere Cælo
 Ramos, & immensum nemus.
 His frontis mediam servat pupilla cavernam,
 Figique gaudet Delio.
 Nec procul est vultu pollens Arimæspus eodem
 Idemque pollens viribus,
 Qui vocet ad pugnam gryphes, cogatque mi-
 cantem
 Pallere bello laminam.
 Illic Parthassii refugâ spirabat in umbrâ
 Truncis caterva naribus,
 Sarcophago sternenda; necem ni pelleret
 Afris
 Aflatus è rosis odor.

At, cui rhinoceros rugosâ è fronte pependit,
 Adversa cominus stetit.
 Loripedum flexu caveæ Getulus Apelles
 Collegit hirsutam manum.
 Hi serpentigenæ septena volumina caudæ,
 Lernamque mobilem trahunt.
 Capripedes juxta satyros, Faunosque bicornes,
 Pinxitque Lapitheum gregem,
 Olim in convivas vibrantem tela bimbres;
 Ciente Martem Lesbio.
 Proxima succedit puerorum turba, nivosum
 Ferens capillis Ismaron;
 Quæ sibi deplorat primâ lanugine Maïum
 Cessisse Februario.
 Extremi lateris fines obsedit hiulcis
 Crinita Gorgon anguibus,
 Et scylla implacabilibus larrata molossis,
 Diræque noctis filia.
 Palpitat his cervix fictis inflata cerastis,
 Terretque vulgi lumina.
 Rara tamen sunt hæc imæ spectacula scenæ,
 Deprensa monstra fluctibus;
 Queis liquida arrisere sui commercia Phorcæ,
 Rudisque Tritonum tuba.
 His glauci crines, cervix crystallina, retro
 Squamosa cauda cruribus.
 A tergo, summa gaudet fluitare procellâ
 Dolosa Sirenum cohors:
 Et jam penè suo raperet modulamine pictis
 Aurita vota navitis.

Ipsa-

Ipsaque de scopulis accita emergeret echo;
Ni muta vox inferperet.

Hæc portenta vident: sunt sunt simulacra profanæ

Mortalium dementiæ.

Deterius Circe est vitium quodcunq; propinato
Hoc efferamur poculo.

Aut in Aloidas transfert audacia, promptos
Inferre vel Jovi minas:

Aut reddit pumilos, fœtis fata monstra locustis,
Exosa mens cultum sui.

Ut quisquis volitet curvis per compita plantis,
Inversa cogit Æquitas.

Sic ubi diffudit torvus contagia livor,
Tumescit ingens palpebra.

Quin aperit patulas immensâ cuspide nares
Amica frons calumniis.

In gryphos furax auri luctatur orexis;
Ridente Pluto prælium.

Luxus villosam rotat in sublimia caudam;
Luditque Faunus capripes.

Spargit Hyperboream invenili in crine se-
nectam

Nivosa vis socordiæ.

At portentificam vultu bibit ira Medusæ
Plaudente Dirarum manu.

Furatur sibi sirenum portenta Voluptas,
Fallitque concentus dolo;

Quamvis Cyprigenæ scopulos offendat, & imû
Flagrante lymphâ, vorticem.

Cætera præteream Obtutus, FAUSTINE, recusat

Per tot rotari belluas.

Si sapias, hæc etiam cautus spectacula cernas:
Vel picta luces fascinant.

LYMPHATIO SICULA.

Sive,

Triumphus, Idibus Julii, cum clade,
ac fractura poculorum, quotannis celebrandus; ad coërcendum restinguendæ sitis luxum glacialibus aquis, saccharo multiplicisque succi lenocinio medicatis.

O D E VIII.

AUdistis ohe classicum? clangor monet
Idus rotari Julias.

Surgamus. Imi pectoris malaciam
Afflatus irritat furor.

Manus obarmat, unguiumque exasperat
Summam Celæno cuspidem.

Jam jamque nostris vinitor papaverum
PRISCUS Medullis incubat.

Affer bacillum dispari nodo, puer;
Pruritus urget verberum.

COR-

Congesta mensis vulnere impacto suum
Crytalla funus sentiant.

Non pollionis uvidi dimentia

Iratus hæc Cæsar jubet.

Sed mos adulterantium in potu nives

Flavi veneno nectaris;

Latrante longum Sirio infuetum nefas,

Quod asperet magis sitim.

Ergo mamilla fontium parcam gelu

Fert lacteo dulcedinem?

Æstivus hydrops, Cæsarum carchesia

Ni vincat, expleri nequit?

Nam quid nivosi nectaris factum loquar

Lenocinantem faucibus?

Apicianâ major hæc sitis gulâ

Sicana poscit pocula:

Quæ delicato vix propinasset Jovi

Jocosa fatum fabula.

His cinnamomi tortilis pluvisculus

Liquente mistus saccharo

Inaurat amnem, reddat ut Tartessii

Electrinum Tagi gelu.

Aut gelsimini tunfa nix albedinem

His elaborat cymbiis:

Ut ipse potor lacteam superbiat

Cæli papillam fugere.

Quin occupantis Mediæ lucos citri

Recenter expressam juvat

Hyblæ pruinis incoqui acrimoniam;

Diluta donec nectare

Novum palati gaudiis acerbitas
 Vel ipsa vectigal ferat.
 Jam trita fraga , aut insolens adhuc bibi
 Vitellus accendit nives,
 Didicitque vulgi fervidas gratissimâ
 Mulcere fauces stiriâ
 Est aut anisi semen , aut pepunculi,
 Quod augeat luxum fitis.
 Liquatur amni lacteo , mox cogitur
 Hyemare potandus calix.
 Quid ? quod sicanae arundinis fulvo gelu
 Hauritur aut rosae pudor,
 Aut quidquid auri pensilis pomario
 Corcyra maturat suo?
 Sic in rubenti saccharo Thaumantias
 Glaciata libatur vitro;
 Et qui nivali poculo infusus natar
 Odoris arquati vapor.
 Sed non suavè sic ligurientium
 Pretiosa sedatur lues,
 Ni congeletur humor ipse vitrei
 Crateris acturus vices:
 Novâque sensim sorbeant scyphos gulâ
 Potura gemmas secula.
 Heu quid moratur Sicanae circumsonam
 LYMPHATIONIS buccinam?
 Adeste luxus vindices , quibus vitâ
 Immunis arrisit latex.
 Ter in choreas crura solvantur , dies
 Donec cremata langueat.

Ter & canendum carmen hoc ad singulos
Cylleniæ pulsus lyræ.

Io triumphe ! pallidam duxit stygem
Fulvi libido nectaris.

Stridet procella verberum, ad quævis flagra
Plaudente Nympharum choro.

Sic sumptuosam dilui flammam placet,
Trullisque pœnam solvier.

Sic & salubri virium innocentia
Decentius litabitur.

Io triumphe ! Diffluet venis hydrops,
Si quassa crySTALLUS ruat.

Nec fluctuabit frigore epoto palus
Stagnantis alvi ; nec latus
Offendet auctam calculis crepidinem,
Scyllâque turgidum jecur.

Io triumphe ! nectare excusso citam
Eludimus fati rotam.

At ipse vindex interim pellucidam
Domabo fuste victimam.

Omnem culullis auream vellam cutem ;
Filicatus occumbet calix :

Vibice pingam murrhina ; & suam Samos
Curtabit hic superbiam.

Ipsi pusillum, ni scidisset, poculum
Cynico cruentarem sopho.

Præterfluentem rura discamus cavâ
Libare fontem dexterâ.

Audistis ? echo cymbiis fractis tonat,
Terretque vesanam sitim.

BLACENNOMIUM,

Sive,

Vestigal insanæ,

Quod olim ab Astrologis Alexan-
driæ solvebatur.*Ex Suida.*

AD HUIUSCE ARTIS PROFESSORES.

O D E IX.

CUR radium, vitreosque tubos arroditis?

Aut cur

Doctum Canopi pulverem
Polluitis digito, stulti, quos latrat Anubis,
Non absque latratus lucro?

Isidis imperio Pallas Nilotica fines

Quos fixit, extendi vetat.

Stravit rheda sophos, fati per inhospita suetos

Urgere fastus plumeos.

Vestrum est natalem stellis ardentibus horam,

Obitusque scrutari diem;

Quo nexu plaudant thiasos; quâ Phosphorus
undâ

Lotum reducat Cyllaron:

Quid peccent Hyades, nudum quâ fulciat ensem

Armatus Orion manu.

Ex-

Expediet nondum visos rimarier ignes,

Phœbique nāvos radere.

Aut impendentem Triviæ prædicere plenam

Palloris ægrimoniā.

Sic Berenticaum cœlo flavescere crinem

Lustravit obtutu Conon.

Admonuitque Thales prognatum Hyperione
quondam

Nigrante velandum togâ.

Huic feriat vestro contorta phalarica nervo,

Doctæque vis Tritonidos.

Ultiora latent. nec cuiquam affigere fas est

Cunabulis præfagia.

Libertas animum stellarum afflamine solvit,

Fatigue subduxit jugo.

Cur Orbis Phariæ formidet dogmata spumæ

Nunquam cruentâ saucius

Chironis pharetrâ, nec Tauri vindice cornu

Jaçtatus in morem pilæ?

In lapidem obrigit Niobe; sed nulla ruentis

Culpavit Hædi sidera.

Flet laceros fasces Latium, sed nec Leo fregit,

Nec immemor Romæ Lupa.

Nec canis obtutus præscas nunc fascinat urbes,

Vellitque caudâ scorpius,

Quod sensim pereant; pereatque exterrita

Crete,

Bello subacta Thracio.

Jam si terrigenis impendent fata, coruscis

Recusa fata malleis;

Cur Jove sub niveo passim pars plurima
vivit

Pullâ togata carbaso?

Calcaruntque profas alij, quos attingit Hydræ
Stellis faginatam jecur?

Quot Venus aspexit, queis nunquam polluit
ungues

Incesta fax Cupidinis?

Sæpius expavit lituos gens Romula, quamvis
Sub Martis igne vagiit.

Nondum deliram medicâ trajecimus hastâ
Memphitici gregis curem?

Fer radium, & cystalla, puer: venarier astris,
Quæ sint futura, novimus.

Uranie docuit Ptolemæo major, & illo
Cui pulchra nupsit Cynthia.

Aucupor Isiacis fata impendentia Mystis,
Niloque serviles minas.

Quàm feralè rubet stellato Sirius ostro,
Rudensque pallet bellua!

Conscia turbineæ sunt hæc præfagia cladis,
Doctis cavenda palliis.

Si mea Phœbeis certent oracula, noscet
Qui naviget pelusium.

Illic assuetos astris suspendere casus,
Dubiasque fortunæ vices

Exagitat lictor pharius, nodatque catenis,
Flagroque dorsum dedolat;

Donec Niliacis dent vestigalia sceptris
Ignobilis dementiæ.

Quàm

Quàm vellent sibi Pergameã pubescere barbã
 Ne, mense desit Junio
 Auri flava seges : sed semina Majus, & aureum
 Florem cerebri contudit.

ARCANA VATIS
 PINACOTHECA.

Ad quemdam SICULUM PRINCI-
 PEM, Auctoris cubiculum
 adentem.

ODE X.

QUÆ te vicissim provocat pauperculus
 Adire Vatem comitas,
 Sicane Princeps ? non inurbanus furor
 Hanc suavit indulgentiam.
 O parce nudo limini subfelliis,
 Quæ flava concinnet cedrus :
 Pictoque latè Dædalâ Phrygum manu
 Mæander auro prôluat.
 Scamno sedebis fagino ; quod rusticâ
 Faunus dolavit ascia.
 Hic, si trigono palpebras merges vitro,
 Lævâque tædam fulseris,
 Majora cernes, quàm theatra Romulis
 Proluserint spectaculis.
 Sed prurientem comprimas splenem, precor.
 Labat ad cachinnos hæc domus!

Nostraque præceps janua dilabitur
 Tristis PINACOTHECÆ labor.
 Ut hosce postes tutus accedas magis;
 Hunc sume Gygis anulum:
 Quo sæpe Phœbus utitur, opulentia
 Visurus hæredem suæ.
 Spectasne plumam Pegasi crystallino
 Coërcitam conopeo?
 Hac findo nubes, arduæque Phocidos
 Prætervehor cacumina:
 Aut rapior ad Memphiticam Nili Pharon,
 Raucive singultus Tagi.
 Quamvis ruentis Icarî fatum monet
 Præire rhedam Phosphori,
 Vel funeratam solis orbitam sequi,
 Instar paventis noctuæ.
 Cùm tædet urbis, hospitamque molior
 Subire ruris gratiam;
 Hanc viso parvam pumice exeso specum,
 Fabrâ elaboratam manu.
 Accede, & aures admove: sylvestribus
 Scatere senties jocis.
 Audin Menalcæ pinguis iræ jurgium,
 Senisque Damocææ minas
 Dijudicatas sub comatâ populo
 Palæmonis sententiâ?
 Hæc concinentem Tityrum fagus refert,
 Vagamque Melibœi fugam
 Motis perorat frondibus, miscens simul
 Solatiis suspiria.

Quan-

Quandoque fietur saxeo Daphnis gelu,
 Saxisque mœror palpitat;
 Quem forte lustrans uvidis Dryas genis,
 Mutumque tabescat pecus.
 Vicinus antro plumcâ roguſ pyrâ,
 Nafonis exstructus chely
 Scintillat, olim pſittaco ſacer ſuo.
 Hic ter quotannis æſtuat,
 Fletumque nidis huc volantibus ciet,
 Suadente roſtro nœniam.
 Ergo catulli paſſerem, & pœtrias
 Lugere picas Perſii
 Raucumque mœſtas ſibilare vidimus
 Priſci cicadas Eunomî.
 Oblitus ipſe fulminis lictor Jovis
 Fert ungue cypariſſi comam,
 Vectigal urnæ. Sordidus pavo dolet,
 Centumque pupillis gemit.
 Clangore ſunus anſeres replent. velut
 Urbs capta ſi Gallis foret.
 Pullatus albas exuit cygnus nives.
 Vincitque nocturnam ſtrigem.
 Suam profundis immolant ſingultibus
 Pinguedinem ſicedulæ.
 Vel ipſe phœnix auream fuſco linit
 Superbiam vaccinio.
 Quid plura volvam? præſtica evadit merops,
 Queſtuque Libitinam parat.
 Poſt exaratam nubibus querimoniam
 Palamedis accurrunt aves,

Augentque luctus. Interim surdos vocat
 Hirundo Manes Psittaci;
 Tonatque lectu rurturis cubiculum;
 Et naniis achantidum.
 Huc flecte luces. Æream Alcida vides
 Clavamque, & artus æreos?
 Festinat hic irascier; bilem suis
 Si concites è naribus.
 Nam tactus usque, & usque, & usque sternuit
 Non absque Pumilorum metu.
 Tunc Lerna pressis occulit spiras Hydris;
 Iterumque vicinus pavet
 Perire Nessus, hispidâ sese licet
 Tegat metalli penula.
 Toreuma clarum Phidix est hoc Ilium,
 Quod igne subjecto nequit
 Unquam cremari: sed simul cujuslibet
 Audivit hinnitus equi,
 Repente flagrat funco!que mœnibus
 Rotat Vesevi vortices.
 Vehit per urbis arces, & quassos lares
 Argoa fax incendium;
 Cogitque Xanthum flere, & Æneæ comam
 Piâ fatigat sarcinâ,
 Jam cerne concham cohleæ flexu cavam
 Turmalis instar buccinæ.
 Tritonis hæc est classicum: vix ebibit
 Rimâ fenestrarum Notos,
 Cùm tristè clangit, suscitaturque spumeos
 Jacentis hîc ponti lacus.

Tunc unda pictam diluit malaciam,
 Canamque mentitur Thetin.
 Tunc præliares mugiunt Japyges,
 Tonatque Neptuni tridens.
 Quandoque terret aquoris brumam tubâ;
 Indiciturque fluctibus
 Custos fereni, somnus. Emergit vigil
 Mox Phorcus, & Phorci chorus;
 Et ludibundâ subsilit squama pecus,
 Stertente longum Proteo.
 Huic versipelles nexuit vinculis dolos
 Profugumque Lysippus pedem.
 At, dormientem ne quis excitet fragor,
 Plausæve palmæ sibilus.
 Valde cavendum. Liber à somno gravem
 Quassat lacertis obijcem,
 Irâque præceps induit sabellicam
 Immanis apri imaginem:
 Aut in Chimæræ fumeos hiat specus,
 Antrisque Vulcanum vomit:
 Aut fervet ut Charybdis, & Vatis domum
 Diverberat latratibus.
 Quin in draconem squameum versus premie
 Voluminum spiris latus?
 Donec sagacem callidâ volubilis
 Illudat obtutum fugâ.
 Perpende clausum succino, ne diffluat,
 Simonidis suspirium.
 Olim recluso prodiit spiraculo,
 Nostrique fixum paginis

Fuscavit atrâ candidas caudâ notas,
 Tristique Musas sepiâ.
 Ni dispulisset providâ Phœbus lyrâ,
 Deleta jam Phocis foret.
 En sculptus Ætnæ terror, & Cyclopeus
 Incudis Ætnææ labor.
 Haud intonato mugit axe Jupiter,
 Striderve Gradivi Chalybs;
 Quin officina ferveat, nocentium
 Datura fœtus fulminum;
 Aut bellicosus ocreas, & acinacem, &
 Adamanta cristatum viris.
 Majora posthac detegam, si tondcas,
 Quæ frondet auro, bracteam;
 Huic sponte vulsis Tanarus valvis patet,
 Mutumque denudat gregem.
 Rimare nunc obtutibus, quot horreat
 Torquatus hydris Cerberus:
 Ut radat illatabilem torvi senis
 Rimosa Cocytum scapha?
 Ut fixus uncâ ploret Ixion rotâ,
 Volvatque rupem Sisyphus:
 Aut lusus undâ Tantalus pascat sitim,
 Refugasque venerur dapes.
 Spectasne Lethen, & bibentes ebria
 Mendaciis obliviam,
 Cùm rite potis Manibus recluditur
 Limen soporis corneum?
 Heu cardo motus attremit, & omnem verat
 Nudare gazam fabulæ!

Ne

Ne plura quaeso, flagites, si craftinis
 Jucundiora solibus
 Libanda promam. Sternitur jamjam tibi
 Supplex recedenti Gyges,
 Centumque palmis pileum vellit comâ,
 Dicturus Urbanum VALE.

SYNODUS EPIDAURIA,

In ÆSCULAPII porticu quondam
 habita.

Sive,

De tuenda Valetudine leges.

O D E XI.

RURIS ORETEI dorso cum forte sederem,
 Salubris auræ spiritum
 Capturus, postquam morbi in certamine victor
 Lethale pilum fregeram:
 Visa salus nobis sese objecisse videndam
 Cultu Napææ divitem.
 Vultus erat nivibus, parcoq; tenerimus ostro:
 Eburna frontis area.
 Labra rosas, coma Phœbeum exæquaverat au-
 rum,
 Pupilla binum Castorem
 Crura adamanteis surgebant sulca columnis,
 Velabat argentum pedes.

Haud

Haud cruor ignavus, sed inexpugnabile robur
Totis meabat artubus.

Cui dederat posse æternis pubescere iustis
Juventa nil debens fugæ.

Ut propius stetit; enervis mihi languor, &
omnis

Morbi character luteus

Funditus interiit: vires rediere; cucurrit
Librata vena brachiis.

Mox hæc effata. Humanis abscondita membris
Sum Diva, Parcarum metus;

Cum cito diffugiam morbi subeuntis Erinnyæ,
Redeamque post pulsam luem.

Me sine, consulibus fascës, & aratra bubulcis,
Vatiquæ torpescunt lyræ.

Ni mecum incedant, succiso poplite risis,
Claudique succumbunt joci.

Ad mea Saturnus differt orichalea furorem;
Nec luna fuscet orbitam.

Tû prohibet plûbeos effervere Juppiter austros;
Innoxii fluunt dies.

Ipsa tuas miserata preces, interflua nuper
Venas venena depuli,

Innocuamque dedi primam libare senectam;
Addam vel annos Nestoris,

Si libet, arcanâ quavis ærugine tutos;
Dum non recules obsequi.

Præscribam pauca è multis, EPIDAURIA
quotquot,

Indixit olim regia,

Mol-

Mollè premes quascunqne ciet Thetis intima
spumas.

Irâ cerebrum fluctuat :

Turgescit jecur , & guttis pupilla cruentis

Mergi salutem nunciat.

Palantes hilari claudas indagine curas.

Mœror medullas ulcerat.

Manè simul strato surrexeris , ablue lucas

Haud frigidi fortis lacu.

Egelidi rores acunt , quem sæpe momordit

Nivosus obtutum latex.

Mox circumfusum gingivis dilue viscum

Pallentis usu salviæ.

Saxea si qua tamen rubigo molaribus hæsit ;

Pulvis teret corallinus.

Juverit oppositis rutilæ Phaëthontis habenæ

Ter sternuisse naribus.

Omen erit faustum ; si se pituita relaxet ,

Fluatque pulsu buccinæ.

Mæandro dein flexivagò percurrat arandum

Dentata buxus verticem.

Furfure depexo transfumat inutilis humor

Summæ cutis spiraculo.

Ne stomachi barathrum æstivâ , velut Asphal-

tites ,

Elangueat malaciâ ;

Leniter incedas sub Eoa crepuscula ; donec

Liquefeat in baccas labor.

Summa coronabis nemorum tamen ilia gressu ,

Dum pallet Auroræ crocus.

Vix occultari patitur post prandia pestem
 Mephitis ima vallium.
 Proderit è Chiâ lentisco rodere guttam,
 Aut cinnamomi corticem.
 Os uteri nudum foveant villosa lupinis
 Detracta costis tergora.
 Ne comedas, jejuna dapes ni flagitet alvus;
 Sed nec latrantem deseras.
 Utrumque enervat flammæ vitalis acerram.
 Cibrant faburram navitæ,
 Queis impendet idem funus, seu nulla carinam,
 Seu mergat ingens sarcina.
 Matutina nocent stomacho jentacula, Bac-
 chum
 Odisse fertur Bosphorus.
 Sis tempestivæ parcus conviva polentæ,
 Malvæque fallentis gulam.
 Plures guttatis avibus quæsita voluptas,
 Quàm tela straverunt viros
 Ut Phrygio Mars Graius equo, sic gurgite
 ventris
 Surgunt catervatim febres.
 Ingluvies podagræ pedicas, pleuritidis hastam,
 Tristemque conflat calculum.
 Tum lippis nequicquam oculis colliria posces,
 Urit Falernum palpebras:
 Urit ab excelso diffusos tramite nervos.
 Si rugit alvo Lesbius.
 Hæc non immodicæ sunt vestigalia cœnæ,
 Pacata noctis oria;

Mens potior vivax vultus, redivivaque nuper
 Fœdis juventa viribus.
 Ne longum stes, aut sedeas. nam diffluit, & se
 Laxatus exarmat vigor.
 Post vespertinam sub brumæ sidera mensam,
 Molli gradatim calceo
 Procedas, insternit iter geniale sopori
 Pulsus December cruribus.
 Profuerit genua, & gelidas plerumque sabæis
 Lavisse suras balneis.
 Post tepidos hosce epotos dimanat odores
 Benigna vena Morphæos.
 Austrum hyeme, æstivo Zephyros admitte la-
 tratu,
 Raucumque murmur fontium.
 Septembres pluvias tutâ defende lacernâ:
 Bibère virus Siiij.
 Fige lares, ubi festinet tibi Taurus Aprilem
 Ab usque Jani Deliâ:
 Mitis ubi cœli facies argentea nunquam
 Nebulis saginavit Jovem.
 Stagnantis torpore lacus corrumpitur aër,
 Ulvæque putris halitu.
 Si sapiis, hinc abeas. Sic ore locuta recessit:
 Suasitque non segnem fugam.
 Terrebat non ante palus mihi visâ; myricis
 Opaca sylva clauserat.

* * * *

PATIBULUM INAURATUM

ALCHIMISTIS ERECTUM.

Sive,

BRAGADINI Veneti, Alchimistæ,
in cruce auro illatâ à Bavariæ,
quondam Duce suspensi.

Ad Chimiçæ artis hæredes
Monitum.

O D E XII.

QUousque terris ferreum Plutus suo
Conflabit auro seculum?

Parvone vota divitum premit jugo,
Eviscerandis ultimæ.

Cuniculosis rupibus Peruvix
Ad usque visendam stygem?

Jam sensit ictus sarculi triceps canis,
Fractoque latravit specu.

Celavit anceps furilem scapham Charon;
Ne flava merx demergeret:

Massæque pallor luteus passim novo
Pallore Manes obruit.

Peiora plutus imperat plutoniâ
Afflatus inclementiâ.

Contaminatam Tantalî nepotibus
Exasperat magis jecur;

Quod-

Quodque innocenti nauscat fastu sagax
 Natura , molitur nefas.
 Pavit quibusdam nobilem vesaniam ,
 Aurique gignendi sitim.
 Hos suadet , urget : erudit diutius
 Conarier mendax opus.
 Ergo caminis iuebant , Phœbo diem
 Ducente , noctem Cynthiâ.
 Ut si dicanda feriis semper forent
 Tributa Vulcanalibus.
 Ex officinâ crederes Pyracmonum ,
 Brontisque fumosi genus.
 Sic ustulatus Æthiops natat genis ,
 Ardentque palpebris faces.
 Pars delicati sulphuris florem legit ;
 Bituminumque glaream
 Fulvæ veneno lacrymæ , & vivo simul
 Immiscet argenti lacu.
 Pars inde fabri pulveris semen coquit
 Pigri favillâ clibani.
 Pars eruditam commodat libentius
 Æri liquando dexteram.
 Hic librat ignem clepsydrâ , pigerrimum
 Auro incoquendo Delium
 Objurgat idem , & arctius Titania
 Compendium facit moræ.
 Affundit alter aridum lebetibus
 Pallentis herbæ corticem ,
 Flavique spumam glutinis ; quò contumax
 Frangi metallum nesciat.

Explorat alter mallei morſu rudem
 Gazæ rubentis laminam :
 Frangique naſtus vitream , culpat ſui
 Laboris ignavi fidem ,
 Fatoque Diras imprecatus , aſperis
 Ulciſcitur conviciis .
 Mox face potâ Tantalî , orditur nova
 Priſci furoris ſtamina :
 Donec cerebri pauper , & domeſtico
 Vix ſplendidus teruncio ,
 Fuliginofam colligat vultu picem ;
 Opeſque larvatas manu .
 O bladiensis aucupes inſomniî ,
 Fabrique pinguis fabulæ ,
 Audite (ne jam turpius fatum premat)
 Sic vos **INAURATÆ CRUCIS**
 Sufpenſus unco **BRAGADINUS** admonet .
 Dignâque latrat exedrâ .
 Huc me ſiniſtra compulit (verum loquor)
 Fraus marcidæ cupidinis .
 Emptum labore funus , & partum meâ eſt
 Opprobrium ſolertiâ .
 Venabar aurum neſcius periculi ,
 Flavente quod gleba later .
 Solviſſe malleum fumeam fornaculis
 Cervicis inſanæ cutem ,
 Quàm ſulphur , æra , divites arenulas ,
 Spei dolosæ pabula .
 Fruſtra caminus ſæpius fractas ſuis
 Effudit è coſtis minas .

Rubensque massa sustulit scintillulas,
 Præfaga luctus semina.
 Ignem putaram fervidum; nec senseram
 Adesse Cassandram foco.
 Quamvis fluentes usque, & usque cogeret
 Errare fumus lacrymas.
 O dira vos hæc terreant demum mala
 Serosque, & incautos Phryges!
 Hujusce imago funeris vestræ potest
 Mederier dementiæ.

MIRRHÆ PALESTINÆ
 FASCICULUS.

Sive,

CHRISTUS PATIENS.

Carmen Elegiaco-lyricon
 Flebilibus tibiis ante aram

DREPANITANÆ VIRGINIS
 à Vate emodulatum.

O D E XIII.

Diva parens, cui septenâ jam cuspide
 pectus
 Fodit Palæstinus chalybs,
 Me sine Golgotheam tecum decerpere MYR-
 RHAM.
 Fortasse vulnus leniam.

Jam digiti in falcem cedunt, in vincula crines,
 Suspirat hanc messem sinus.
 Heu cur nō manibus centū amplexurus Amorē
 Solymæus evasi Gyges?
 Uror, ut Illyricis male faucia cerva colubris.
 Venabor hīc opem malis.
 Obtutus juvat: ut serpens conspecta venenis
 Olim medelam præbuit.
 At, nisi perstringam, viduis languescimus ulnis
 Est hoc in amplexu salus.
 Num potior Granadilla meis, ô Diva, lacertis,
 Hanc ferre cui gazam licet?
 Aprilem sortita pinum, fert illa decorum
 Vernante vestigal comâ;
 Et calamo, ramisque crucem mentitur: Amoris
 Torum fuisse crederem.
 Ambitur radiis teneram fingentibus hastam
 Hastæ minacis æmulam.
 In floris medio guttatâ aspergine quinum
 Gemmascir in vulnus rubor.
 Jamque iret cruor in stillas, ni Flora vetaret,
 Glaciante rorem purpurâ.
 Quâ se recludit croceo craterè, columnam
 Sublimè sustollit calyx,
 Hanc posuit, flos ipse loquax clamare videtur,
 Divinus Alcides manu.
 Summa coronantur viridis fastigia fastus,
 Trudente vepres infulâ.
 Sic certè vallandus erat, cui rustica dumis
 Obsessâ rident lilia.

Proxi-

Proximior vepribus verno turgescit in auro

Odora clavorum seges.

Scilicet hanc chalybū vidtrix patientia messē

Veris metallo scalpserat.

Capreoli villo viridi torfere flagellum.

Servile pignus Numini.

En quæ concinnat florem pretiosa suppellex

Licet Indicâ satum plagâ.

Indutus fruticat trabeâ pietatis, & ipsâ

Comptus Tonantis dextera.

Huic flori invidéo vacuis inglorius ulnis.

Sic assequar votis fidem.

Si peterem majora; meis jugulanda fuisset

Quæcunque vox suspiriis.

Indignus videor, qui CHRISTI in stipite

figar.

Puer ut Tridentinus SIMON:

Quive feram rutilis præclara insignia plagis.

Senensis ut Virgo tulit.

Sit potior CLARÆ merces, cui contigit imis,

Hastamq̃te & expressam fibris

Sortiri scuticam, teneroq̃; adamante columnam

Triplisq̃; clavi cuspidem.

Quod cupiam, minus est, atque expugnabile

votis:

Sic vota Virgo fulcias.

Golgotheum falcem sitio, non illa papillas

Fatigat ingens sarcina.

Molle jugum crux est, fessis labor ipse ministrat

Dotale membris orium.

Q̃

Odi-

Odimus Aetæi laticis carchesia : spirat

Hic felleus latex Hyblam.

Cur regum poscam trabecas ? chlamys hæc mihi
textum

Velamen ostro destinat.

His malleum dumis capiti nodare galerum,

Quam Xerxis ornari mitrâ.

Hæc solvunt me vincla ; manus dat ahenea
gazam ;

Dant hæc medelam spicula.

O ut Nazareis opto livescere flagris !

Roseta vibices erunt.

Num sine vulneribus vivam ? exorabile saltem

Afflige pondus brachiis.

Quòd si deficiam myrrheo curvamine pressus,
Repente, Diva, langueam.

METAMORPHOSIS

HYBLÆA.

Sive,

De Saccharinis Arundinibus

Fabula.

ODE XIV.

Festinet pugnax armamentaria Mavors
Ætneis conflare caminis.

Et galæis clypeos, ocreis thoraca pharetris
Teutonicas admisceat hastas.

Hy-

Hybælis sua tela focus ; lituosque recudet
Pax nulli cessura Gradivo.

Aspice ; saccharinis ut sint compacta pruinis
Vicinae tentoria scenæ.

Hinc canas effert glacialis cassida cristas,
Quas veluceri præ phaside malles.

Illinc Bellonam mentita industria pingit
Nectareo cœlamine peltas.

Sunt & Dædaleis argentea fulmina pilis ,
Non ulli nocitura palato.

Ipsæ cataphractus niveâ dulcedine miris
Mars hilarat convivia ludis.

Ne sua mendicet cultis pax otia campis ,
Aut Latiis spectacula theatris ;

Hic vivax siculo nix despumata metallo
Corcyræ , Hesperidumque comantes
Vernat in areolas : Nemeen ; Erymanthon , &
albis

Adsimulat Calydonâ frutetis.

Sed nulla hos lucos iratis bellua feris ,
Aut rictu allatrante profanat.

Hic Massilæi flavo sub vellere morsus
Impavidum bibit agna soporem.

Blanditur lepori Lælaps ; qui jam tibi rodatur
Dum videas , latratibus alvum.

Ambrosium patinis hic sufficit hydra venenum,
Innocuis gratissima spiris.

Scilicet, HYBLÆA quod stillat ARUN-
DINE , nectar.

MultiplICES rapit arte figuras.

Accipe primævâ tantos ab origine lusus,
Trinacriæ miracula famæ.

ÆTNA olim affinem cùm decertasset in
HYBLAM,

(Inflarat præcordia livor
Agrestis palmæ) Cererem, quâ præside, litera
Debuerat componere Mavors,

Adversam sensit. lævi suffragia nutus,
Et prisca laus spreta camini

Incussit stomacho bilem, Vulcaniaque atris
Exacuit luctamina flammis.

Tunc mons effractis visus mugire cavernis,
In liquidos circumfluus ignes.

Uruntur fata, combustis latet Evius uvis,
Et stratis Pomona viretis.

Quid faceret patrius, longum indignante Ty-
phoëo.

Pulla Ceres ne cederet agris.

Fessa sub HYBLÆO posuit vestigia clivo,
Immeritæ flens fata ruina.

At non expertem solaminis HYBLA reliquit
Reginam Trinacridos oræ.

Ocyus afflatam gazâ Zephiritide frontem
Rurali stellantibus ostro

Floribus implicuit, trabeâ viridante lacertos,
Et densis ima ilia myrtis:

Mox apium castris, pronâque effudit ab urnâ
Mella vagis trepidantia rivis.

E vitreis visæ thalamis emergere Nymphæ,
In teretes abiere choræas.

Jamque suis orsæ thiasis obducere vulnus,
Et Cereri mollire dolorem.

Næc simul ÆTHNA procul vidit, baccha-
tur, hiulei

Livoris stimulante flagello,

Nec moras denudat fœtam Cyclopibus ædem,
Excidium latura Napæis.

Irruit in miseras Brontes sociusque Pyracmon,
Et spreto Polyphemus ovili.

Hic torquet fundâ convulsæ fragmina rupis,
Fumolos rotat ille leberas.

Pars vibrat nondum coctas in fulmina massas:
Pars raptas incude bipennes. (divus

Penè tulit Nymphis HYBLÆA per arva Gra-
Monstriferæ contagia Phlegræ.

Solvuntur choreæ. Sed cum trepidantibus atrox
Terga fugæ vetuisset Enyo,

Qualibet arripuit (fati indulgentia suasit)
Millenæ mendacia formæ.

Pars in scyllæos pugnavit versa molossos:
Pars Phaij sub pelle draconis.

In Libycas Panopea jubas, in cornua Rheni
Armatam sese extulit Ægle.

Pallada Cydippe simulat, Steropemque &
ovantem.

Objectâ ferit ægide Brontem.

Penè Gigantææ præceptis audacia turmas
Cessisset confusa Napæis.

Ni fornax Ætnæa nives, nivibusque rotasset
Servantes sua fœdera flammæ,

Ilicet attactu nivium , incusâque favillâ
 (Vis fati sic victa recessit)

Pugnaces Nymphæ in veteres rediere figuras,
 Post dubiæ certamina palmæ.

Imbelles ergo rabies Cyclopea Divas
 Invadit , sævumque trucidat.

Nec vis ulla fugæ. HYBLÆAS Mars per-
 culit omnes ,

Et late prostravit alumnas.

Tum longo visâ luctu tabescere sylvæ ,
 Finitimique ululare recessus.

Nexuit HYBLA comis , abjecto flore , cu-
 pressus ,

Et madidam turbavit oborto

Canitiem gemitu ; laceris cum funera natis.
 Aggestâ tumularet arenâ.

Hic , mirum dictu , rorata cadavera fletu
 Examines animante puellas ,

Instar ARUNDINEI Fruticis fudere sub auras
 Frondifluos in germina crines :

In teretes calamos , artus ; sua vulnera nodis
 Nativo signantur ab auro.

Expatiatâ imos radix rugosa per unguis
 Dat tumulo consistere plantas.

Quodque magis mirere ; novis submittere norunt
 Vulneribus , ferroque lacertos ;

Nec renuunt prælis patrio lacrymarier imbri,
 Qui siculo deflagret ahenis ;

Nectareasque subire nives ediscat , & omnium
 Exiti miracula rerum.

Quia

Quin etiam fas est pacato Marte Cyclopes
 Ambrosiis glaciare pruinis.
 Sic post fata juvat prisca ulciscier hostes
 Attonitos dulcedine pœnæ.

C E L E U S M A
 P A R Æ N E T I C O N

Prope NAVEM, typum Religiosæ
 Familiæ, festinatum.

In gratiam FRANCISCI.....
 cùm in Societatis JESU cœtum
 jamjam ascribendus esset.

O D E X V.

O Lim visa tuis placuisse obtutibus Argæ
 Si bene respicias,
 Hanc sese dedit in parvam, FRANCISCE,
 Tabellam;

Quò tibi culta foret.

Luminibus propior plures pellexit imago hæc,

Quàm raris illa viros:

Quamvis in liquidos mergat sua rostra pyro-
 pos:

Sint sua lina faces.

Hanc Deus in terras, ne perscruteris Apellem,

Detulit effigiem.

Q 6

Cui

Cui struxit mentis demissio prona carinam;
 Et Metanæa latus.
 Magneti incubuit Pietas; Patientia transtris,
 Remigioque sedet.
 Fert clavū inconcussa Fides; puppique coruscant
 Lampada tollit Amor,
 Idem librato velis turgentibus afflat
 Miria flabra Notō.
 Spes ad aplusā volat, summique cacumine
 mali
 Signat ad astra viam.
 Virgineus Pudor est dubiæ cynosura liburnæ,
 Cum ferit æquor hyems.
 Non inter medias spumosa Tethyos iras
 Evacuanda suis
 Mercibus est abies. Nuda dominatur in alvo
 Hospita Pauperies.
 Excusso insultant auro phocæque fatigant
 Plumbea vota Midæ.
 Naucleri arbitrio mens concolor, imperat undis
 Otia tuta suis.
 Huic fractæ cedunt Maleæ, Scyllæque latratam
 Comprimit ira gulam.
 Non ideo putres credas languescere nautas,
 Officit alta quies.
 Certus cuique suus labor est, aut claudere
 rimam
 Ne bibat alnus aquam:
 Aut bolide excussâ pelagi explorare profundū:
 Fraus latet ima yadis.

Pars, né quam exhalet tegram sentina me-
phitim ;

Dat pia thura focis. [rident,

Pars gemitu zephyros duplicat ; sed carbasa

Quò magis aura madet.

Pars ascensuræ protendit brachia turmæ,

Quam procul astra vocant.

Num læva Cœlum intonuit? FRANCISCE,
moraris

Insiluisse rati?

Eripe te ponto : raucis fremit usque periclis

Irrequieta Theris.

Quodlibet, est Libitina, vadum ; scopulusque
feretrum ;

Quælibet alga, rogos.

Increpat æquor aquam, cum demugire videtur,

Quò sit hiulca magis.

Nec latis ingenii vitio : molitur ituros

Ad sua lucra dolos.

Incautis sternit crystalla liquentia votis,

Aut prope littus opes.

Sic fulvis pictam radis ostentat arenam,

Quam vehat amne Tagus.

Sæpe ciet patrii pluviam mœroris, & udâ

Lumina nube tegit.

Ut Cœlum videas, blandam cluctare pro-
cellam ;

Nec maduisse velis.

Occidit, inflexam qui vidit ad oscula matrem,

Sunt sua vincla, preces ;

Et potis est adamanta suis simulare lacertis:
Sic prohibere fugam.

Surge age, scanderatē genitor vetat acclinatus,
Aut resupina parens?

Aude animis pius usque puer. calcare parentum
Ilia, suadet Amor.

Est pia durities, quod te vocat aura Tonantis,
Sollicitare gradus.

Mitescet patrij mox dissolvenda doloris,
Quæ modo fervet, hyems.

Ipsa tuis etiam curis fraudata, querelas
Molliet Aula suas.

Non mendax te poscit honos; obscurat avitas
Trita lacerna togas.

Præferimus sceptro remum; radiisque tiaræ
Textile vellus ovis.

Aspice quot procerum turmis nudaverit ostro
Pinus amica latus?

Per summas fluitant Gradivi insignia spumas,
Et sine scepra manu.

Clauda pecus Caroli trabeam, Bambæque
triumphos

Excipit arcta domus.

Cur aliena loquar? GONZAGA abjecit
eburnas

In freta vasta rotas?

Seque tibi comitem, & fidum Lojolidè prorâ
Annuit esse ducem.

Quid facies? fuge cunctari circumsona tutam
Non habet unda fidem.

PANURGIA
PRÆSTIGIATRIX.

Sive.

Ludicra circulatoris ÆSOPI
Prodigia.

AD CÆSAREM SOLINUM.

O D E XVI.

PAulum togatis Curiā subselliis
Furare defessum latus,
SOLINÆ CÆSAR tetrici semper fori
Clamosa rodes jurgia?
Autumnus uvas melluit; meis tamen
Siticulosis auribus
Nondum jocosam infudit innocentiam
Tui leporis amphora.
Objurgat ilex esculo silentium;
Ulmusque narrat sibilo
Affixa ramis somnia, & sylvæ jocos
Dispensat Echo vallibus.
Cur nuda nostris excidit garritibus
Septembris umbræ gratia?
Et plura sunt; quæ mutuis efflagitem
Inspargier facetiis.
Nostin periti Dalmatæ PRÆSTIGIAS
Vel alle venales foro?

Haud

Haud inuenustâ compede hic sistit suo
 Plebeculam proscenio.
 Cur erubescam patruî, vel buxeum
 Censoris irati flagrum?
 Morbum fatebor ingeni. His captus semel
 Interfui spectaculis.
 Nec me laboris pœnitet. quamvis meos
 Vulgus lacertos fregerit:
 Sic dulcè lusit innocens veneficus
 Incauta cœtus lumina.
 Huic versipelli ludio ÆSOPI Phrygis
 Dotale nomen indidit
 Corvina pellis. auribus longis micat;
 Simoque naso sternuit.
 Fungis galerum nexuit: pro baltheo
 Monile gestat anguium.
 Ut impetravit sibilo silentium,
 Flexâque paulum dexterâ
 Fluentis undæ vorticem compescuit;
 Nudavit hirsutum latus:
 Quod ense fixo ter quaterque polluit,
 Prisci Catonis æmulus.
 Accessit audax, sanguinem hauisturus scythes
 Sed Lesbii spumam bibit:
 Risitque potor barbarus carchesio
 Meliore depulsam sitim.
 Ferrum revellit interim præcordiis
 Panurgus, & mox devorat
 Ad usque summi acinacis manubrium;
 Quod pinguis Hylæus gulæ

Horreret , & Philoxenus ; collum licet
Protendat immensæ gruis.

Sed in molossi pensilem caudam retro
Depastus ensis excidit.

Accisa nutat Myrtili fides , novum
Ni palpet hoc miraculum.

At allatrante territus mimo , suam
Repente subtraxit manum.

Ridemus usque , & usque jucundissima
Ficti larratus fulmina.

Mox , ut liquenti proluit plumbo pedes ,
Duxit choreæ vorticem.

Ter hac , & illac subsilit : ter Dædalo
Coronat auras turbine :

Cùm forte lapsus frontis ob vertiginem
Turbam cachinnis obruit.

Pudore tactus illicet plecti jubet
Fatum caduci verticis.

Adstant onusti malleis , & ardua
Sublimè tollunt brachia

Hinc Bromphus , & totosus inde. sicanî
Instar Cyclopis , Harpagus.

Non sic procella grandinum ferax ruit
Læfura Grynæum nemus ;

Ut incitata malleorum verbera
Uterque Brontes aggerat.

Vicinus ad Vulcanios pulsus gemit ,
Tonatque fractus Juppiter.

At inter ictus Histrionis stetit velut
Intacta rupes fluctibus.

Nec

Nec vapulando fessus , irrisit sui
 Languere tortoris manum.
 Tandem cerebri visus e rimâ macrum
 Fudisse murem Ludius.
 Qualem Lyristes Romulus comantiura
 Inclusit alvo montium.
 Tum conspicillis usus ille vitreis,
 Quò carcere effracto feram
 Tutò vagantem cerneret ; dum missilem
 Crystalla potant Delium ,
 Diu repexum , pendulumque gausape
 Satelliti cremat Lyco ;
 Non absque risu navitæ Paphnutij
 Barbam regentis linteo.
 Post mille ludos clamitat , tricuspitem
 Se ferre Glauci fuscinam ;
 Et quidquid æquor educat lacu , suis
 Parere jurat nutibus.
 Jam jamque emacem credulæ plebis fidem
 Novo lucraturus dolo ,
 Vacuo bilibres sacco mullos trahit ,
 Nassasque frangentem scarum.
 Echinus inde educitur , & hami fugax
 Cultor lacunæ lucius.
 Has ut quassillo propalam squamas dedit
 Vulgi vorandas palpebris :
 Cœptam vocari faucibus dempsit famem
 Nigrante fretus sepiâ ,
 Quâ fudit auras ; squameumque stridulas
 Convertit in ranas gregem.

Qua-

Quales Homerus veller esse ludicros
 Martis paludosi Duces.
 Ceu Stentor inde buccinare callidus,
 Perstrinxit aures civium.
 Usus sonoro crederes CÆSAR, Jovena
 Cornu tumentis Copiæ.
 Nam fuste jussit fagino suspendier,
 Ad rusticæ nutus tubæ,
 Stellata mala ceream guttis cutem,
 Et Massicæ vitis botros:
 Qui penicilla Zeuxidis tantum fabrâ
 Pingi tabellâ poscerent;
 Possitque flavis præfici his pomis draco,
 Domiturus Aralantæ gulam.
 Ut innocenti stipites ludibrio
 Lactavit ÆSOPUS diu;
 Ter oscitavit; septiesque sternuit.
 Tum pulsa vis fallaciæ
 Ostendit esse fumeum serofæ caput,
 Auremque rudentis feræ.
 Clausit supremo fabulam mendacio.
 Nudam tetendit dexteram
 Ferro secandam: terrico cohorrui
 Affusa plebs spectaculo.
 Jam destinarat vulneri minas chalybs,
 Et penè truncharat manum;
 Sed inter ictus hæc propinquo sustulit
 Pinguem crumenam villico.
 Ne garrientem longius silentio,
 SOLINE, Vatem corrigas

Tui vicissim flagito Cyllenios
 Vocalis eloqui sales.
 Ut irriger benignius, nec diffuam,
 Auritus hic nam lapis.

NEMESIS LUDICRA

IN PERSONATOS.

O D E XVII.

PUDORIS expers seculum cavet suam
 Nudare frontem Delio,
 Epota postquam Liberi carchesio est
 Amurca Bacchanalium.
 Num monstra desunt urbibus, quòd plurimam,
 Se turba mentitur feram?
 Ferocit ille Caspium spirans tigrim:
 Hic ludit ore simii.
 Alter lupinâ contegit larvâ genas:
 Ut Faunus alter ambulat.
 Quin, ut rogatos constet illætabilis
 Fuisse cives Tanari,
 Pars mutuatur Æaci vultus truces:
 Pars vallat hydris verticem.
 Proh belluosa divitem,
 Onusque telluris, gregem!
 His non trifulco concitum nimbo Jovem
 Rotarier Cœlo petam.

Sit

Sic ipsa vindex, feriata cladibus,
 Raminusæ indulgentia.
 Ergo frequenter, annuente Lesbio,
 Circæa lambant ubera.
 Dein sabellis asperent feris caput,
 Canumque rictus horreant.
 Jubam lænæ nutriant, sed cominus
 Canente gallo palleant.
 Rudente rudant belluâ; donec flagrum
 Herile fauces obstruat.
 Quod si Megæra fingitur; sit concolor
 Avita frons nepotibus.
 Queis sic soporem distrahant, ut sapius
 Nocturnus occurrant furor.
 Vos, Vos (Libyflas oderint posthac feras)
 Regum theatra flagitent.
 Caveis que raptos destinet spectaculo
 Facetus Aulæ sibilus.
 Sic sic jocosa NEMESIS illudat, precor;
 Nec bile pectus imbuat.
 Experta quondam plumbeâ ultricem manu
 Larvâ pubes Galliæ.
 Nutabat Aula gaudiis, cum nuptias
 Pararet Hymen Carolo.
 Rex ipse, quò decentior plausus foret,
 Cœptusque gestiret fragor,
 Furatur ore belluam, cui Punicum
 Fucabat horrorem crocus.
 At semicaprum poplite extremo refert,
 Ludente caudâ cruribus.

Juxta biformis hinc , & hinc ibat globus ,
 Trabeatus in morem feræ.
 Et jam , ferente dexterâ tedam , simul
 Pedem choreis solverat.
 Cùm forte flexus inter , & creberrimum
 Sequacis occursum fugæ ;
 In cauta stamen lineum fax attigit ,
 Fuditque flamma incendium ;
 Cui non Garumna sisteret ferociam ,
 Altæque fons Druentiæ.
 Se vidit Ætnam regia ; & larvis suum
 Solvère censum nuptiæ.
 Hoc jam tenetis : optimum , ut Plautus loquar.
 Cavete posthac , Comico
 Cùm fata ludos respuant Choragio ,
 Ne suscitent Tragœdiam.

IN TINEAM LIBRORUM.

O D E XVIII.

Cicuta laudum , Palladis contagio
 Doctis adulta capsulis ?
 Cuniculosis quam rubigo flexibus
 Instar chelydri tortilis
 Per exaratas educat voluminum ,
 Et codicillorum nives ;
 Panætianæ seu labores exedræ
 Typis recusos diluis ,

Sive eruditos marcido claudis situ
 Rivos stagiræ fontibus,
 Sophisq; rodís nomen. & Vatum chorís
 Appollinares laureas?
 O parce nostris incubare paginis,
 Quas Diva, Musarum lepos,
 Ab usque primis fovit incunabulis,
 Deditque saltu lividam
 Tranare lethæ. protegit Virgo cyncos,
 Castæque fœtus Phocidos.
 Elucubratas hinc clientium notas
 Ultro papillis irrigat;
 Et umbilicos destinat, & argenteas,
 Quæis fibulentur, bractæas.
 Plerumque cariem providâ fugat manu,
 Linitque membranas cedro?
 Et pumicatis frontibus adamantinum
 Ævinitorem sufficit.
 Non hos trifulcâ concitum phalaricâ
 Fulmen libellos proruet.
 Nec, si Vesevus irruat, vel fumeo
 Aduret ore Mulciber.
 Nec lædet imber, atque erunt edentuli,
 Mordere si mures velint.
 Ad ustulatum Cypria Pindum face,
 Hinc potius avertas gulam
 Libitina Vatum, lividi morsus comes.
 Hæres pusilla tigrum.
 Illic profanis ebrias chartas jocis
 Discerpe mutis dentibus

Harpÿia vindex : ut fertunt stympthalides
Læsisse. Trojanas dapes.

Sis parricida syllabarum , quas prius
Fractis utrinque faucibus ,

• Cogas piacii pœnitere , nec suum
Non execrari dedecus.

His palpitantes vulturis rostro fibras,
Et Dædaleis artibus

Revelle furas , creditumque luxui
Sublime cristarum nemus.

His aut lupine detrahas rictu cutem ,
Aut crura membratim feces ,

Instar Lycurgi in vitium propagines
Toto ruentis impetu.

Quin fortuitâ sic liturâ polluas
Obscœna Vatum somnia ;

Ut semirasis undequaque literis
Haud exprimant Cupidinem ;

Novoque partus Delphici miraculo
Sacris reflorescant notis.

At , si papyri cladibus negat Venus
Cultu pudico conspici ,

Eviscerabis ; usque dum legentium
Sit palpebris ludibrium.

Sic virus atrox disfluat terris procul ;
Venale Plutonis foro.

* * *

POSTREMA
JAM PENE PEREUNTIS
ORBIS TERRARUM
LIPOTYMIA.

O D E XIX.

NI me Cyrrhei tripodis cortina fefellit,
Jam jam vacillat omnibus membris
Atlas,
Volvitque ex humeris sese curvantibus ingens
Inauspicatâ pondus incussum manu.
Ipsa etiam visa effœtis languescere seclis:
Laxisque moles emori compagibus.
Vix exploranti vitam patet halitus auræ:
Vix fibra tactis palpitat præcordiis.
Letheo merfit Titan sub gurgire currum;
Soleisque visis palluere Manibus.
Palluit & Phœbe vacuum execrata pharetram;
Torpente lucis vel malignæ spiculo.
Jamque orbem vallant neglectis astra choreis,
Tanquam feretro solverent funebria.
Quin versis lugubrè suis concentibus, æther
Extemporalis præficæ præstat vices.
Interea penè exanimum sine luce cadaver
Jacet, supina marcido tellus gelu.
Vidimus æstivas agris sterilescere messes.
Frustrata cupidam deserit falcem Ceres.

R

Clau-

Claudicat Autumnus contuso crure. medelam
 Ne quære morbo: Bacchus, & olivum deest.
 Nulla pigrū ver post hyemes festinat hirundo,
 Nec vocat ædon exules Favonios.
E piceâ tantum latrat cornicula taxo,
 Diesque raucis polluit conviciis.
 Calvum Flora caput, mutilam sine fronde
 Priapus
 Inominatis obruit sulcis comam.
 Nunquam aliàs ævi putris dilapsa vetustas
 Tam delibutas nutriit venas malis.
 Emerfit Phinea fames, emerfit egestas;
 Potâque vecors luctus agrimoniâ.
 Adjice quot vix enumerat contagia Pœon,
 Ipsique prorsus nesciam Æsculapio.
 Morborum alluviem; quos, restagnante Lyæo,
 Induxit amens, Liberi comes, Venus.
His etiam nos addidimns bella horrida fatis,
 De limusque stricto laureum ferro decus,
 Threicio nuper venata est Cynthia cornu,
 Jactatque Creten, ut ferôx taurus pilam.
Et jam Bosphoreis metuit servire lupatis
 Tyrrena Doris, Adriæque regia.
In Rhenum Balthis torvum fremit, inque
 Polonam
 Euxinus undis intonatus Vistulam.
 Queis tranquilla tulit dirus Mars otia lustris
 Ubique Graius Annibal, ubique est Paris.
 Gallia jam Rhodanum, jam cogit Iberia Bœtim
 Deslere palmas sanguine insignes suo.

Per

Per galeas repunt pueri : quæque oscula libam.
 Aut arma tangunt , aut cicatrices patrum.
 Deterior tamen est ipso pax parva Gradivo ;
 Fulcante noxâ civicæ nives togæ.
 Occuluit Latias malè ruta Astræa secures ,
 Profugamque secum duxit innocentiam ;
 Captivo passim delentur jura metallo.
 Fulvâ lituram spongiâ incussit Midas.
 Quin auro venale nefas ; perjuria fraudes ,
 Calumniæque Lydio cubant toro.
 Atque adeo vendi facilis Rhamnusia flagrum ,
 Sævæque quassat impiâ faces manu.
 Nunc tandem Euryalum Nisus ferroque gem-
 mellum
 Pusillus etiam Castorem Pollux petit,
 Num matris jugulo , vel nati parcitur ? cheu
 Vesçi superbit dape Thyesteâ parens.
 In superos quoque sævitum. corraditur aurum ,
 Simulque divûm pensiles gemmæ tholo ,
 Ut pingant Helenis baccata emblemata foccos :
 Præfertur æris Cyprii luxus pedis.
 Impluit in pingues nubes Panchæa culinas.
 Vix fumat altis Cælitum tectis Arabs.
 Tænariis ultro nebulis involvitur Arctos ,
 Novisque terras inquinat contagiis.
 Fallimur ? an tellus inis succussâ cavernis
 Alvoque fractâ , me canente , mugit ?
 Jam juga dissiliunt. Pholoë discessit ad Afros ;
 Carmelus Alpes sustinet , Calpen Athos.
 Obruit Ætna scythas, Ganges cõfunditur Istro,

Præcep̄ Lemano mergitur Nilus lacti.
 Icaron Euxinus, sicanam fert Adria Scyllam,
 Tritonis audit Cretici Balthis tubam.
 Sunt certe hæc decumbentis luctamina mundi,
 Vel execrantis ferream morum luem.
 O quis stelligero dilapsus ab axe Machaon
 Orbi medelam languido secum ferat!
 Nam, seu Nazareo medicos e vulnere succos,
 Seu lac puellæ Virginis tellus bibat;
 Sese componet primum, divulsaque moles
 Coibit; ut vix ulcerum sciat notas.
 Diffluet inde genis pallor, redivivaque mēbris
 Efflagitatas fulciet vires salus.
 Tum reduces sine labe dies potiore metallo
 Fulvas recudent mitibus seclis rotas.
 Evius innocuo discet baccharier ostro,
 Canâ Pelasgis imperabit insulâ.
 Omne erit ut Corcyra solum, & Poneia Tempe,
 Vix invidebunt Ismari rupes Hyblæ.
 Quælibet Autumnus suspendet in arbore gazã
 Sertum Napæis, & monile Gratiis,
 Nulla perhorrescet pinus Pangæa Charybdim;
 Erit huic celeusma musicis mistum tubis.
 Namque exarmabit pax inconcussa Gradivum,
 Versura galeas in lyræ testudinem.
 Nulla Palatinos uret discordia postes.
 Nec scindet ultor Aulicam livor togam.
 Æquum jura seret fallique ignara bipennes,
 Libramque Recti consciam attollet Themis.
 Tum niveam curis metam defiget Honestum:
 Quam

Quam quisque palmam flagiter dabit Pudor.
 Ultio siqua fremat, pulchros affurget in ignes,
 Spirante quavis missiles irâ rotas.
 Jurgia tû gliscent, socium cum trudet in hoste
 Pacatus hostis melleum Diris melos.
 Cuncta foro solvet prudens vadimonia prætor;
 Frustra severum buccinante Marfiâ.
 Jam nemo rutilam Cræsi mirabitur arcam.
 Hanc, ne flagellet Pletus, absconder Thetis.
 Ipse suis consul votis imponet habenas,
 Spernetque lucrum fœnerator Alphius.
 Quidquid agris metitur rorataq; fraga pruinis
 Mœrentis alvi consulent solatio.
 Potus erit parcum libato e flumine nectar,
 Quod innocenti tingat auro Lesbius.
 Mox hilares per rura joci perque oppida lusus
 Quos non profanent inverecundi sales.
 Interea, nulli cum sint obnoxia nævo,
 Ne fuscet ullus hæc veteris otia;
 Sponte suâ guttata Paros, crispata Carystos
 Laconicique marmoris pictum gelu
 Accedent structura sacris fastigia templis.
 Vix hæc Olympus culmine æquabit suo.
 Sponte sua urendus fanis descendet Orontes,
 Cilicesque nimbi fumeam voment precem.
 Tum Pieras Helicen Latias submittet ad aras,
 Tiberique fuscam proluet Hydaspes mitram;
 Mox, Pelusiæus vortex cum latret Osirin,
 Brachmanas Indus, Thracium Strimō Jovē,
 Ignoras angusta Fides vexilla per urbes
 Affliget, Orci mugiente regia. R 3

Tum litui buxique canent, & cymbala Numen,
 Ut versa credas in triumphum nubila.
 Depluet his liquido festivus Aquarius auro:
 Flavam pyropis grandinem trudet Phlegon
 At si, quod metuo non exorabilis æther
 Aures anhelis obstruet suspiriis;
 Cur terris hæremus adhuc immobile pondus?
 Num pluma, quæ nos erigat, forsan deest?
 Me duce, jã niveæ properant ad fræna volucres,
 Irisque pictâ stravit orbita viam.
 Surgamus, datur esse levê, cui candida mens est
 Positisque tellus execrata calceis.
 Ut nos atra trahunt rutilus ut cingimuralis!
 Ut fluctamus lactei risus lacu!
 Olim credideram plaustris gaudere Booten;
 At his voluptas igneis fertur rotis.
 Venanti similem stultus Chirona putaram,
 Qui fulgurantes excutit nervo rosas.
 Non hîc flêt Hyades torquêt pro steribus ignes.
 Sic forte vellent lacrymare gaudia.
 Cernitis ut fulvo det stellis oscula rictu,
 Pexâque lambat Cynthium Leo jubâ?
 Ut saliens vitrea Delphin scintillet in undâ?
 Ut ense figat lucido Orion feras?
 O hilares ludi, nitidæque superbia scenæ
 Cessura nullis mensium bipennibus!
 O Divûm excubiæ vigiles! o pensile limen,
 Stratun: coruscis siderum tapetibus!
 Quò ferimur, socii, insuetum luctante Camæna
 Ad altiores intimæ lucis lares;

O ut pupillis tellus evanuit ! illam
 Exile punctum diceret Democritus
 Sed vidisse semel fatis est. bis visa retardat
 Propinqua caelo luminum commercia.

ANCILE SICULUM.

Sive,

DIVINA VIRGO SICILIÆ TUTELA.

CARMEN SECLARE.

Ad aram DREPANITANÆ DIVUM
 REGINÆ Anno 1671.
 emodulatum :

Cùm Siculis Othomanicum
 immineret bellum.

O D E XX.

Diva turritis adamante fulvo
 Mœnibus pugnax , quibus hinc , & inde
 Penfiles plaudunt clypei , Sicanas
 Vise querelas.
 Penè centenis senuere Iustris
 Ilices , ex quo siculam momordit
 Mucro vaginam , siluitque clauso
 Cardine Janus.

R 4

Nunc

Nunc SYMETHEIS OTHOMANA cuspis
 Imminet campis ; ruit in CHARYBDIM
 Nilus , & torvum fremit in tonantem
 Ismarus Ætnam.

Cingimur bello ; lituisque pulsæ
 Vapulant aures. Malè feriatam
 Cur amat , VIRGO , tua militaris
 Zona pharetram ?

Te decet fractos cohibere Thræcas ,
 Ut minax olim procul hinc ad Afros
 Visa secessus pepulisse nostro è
 Limine Mauros.

Sive NORTMANNI DUCIS anteires
 Primipilares generosa turmas ,
 Cum PANORMÆAS sibi vindicabat
 Ille secures

Sive SICLENSES per agros , nivalis
 Cyllari dorso , cataphracta fulvo
 Sole bellatrix equitaris inter
 Tela Gradivi.

Te RAVENOSÆ coluere rupes
 Punicas passim galeas fugantem ,
 Ut sitibundis dederas ROGERI
 Flumina castris.

Prome nunc priseum , toriesque notum
 Diva tutamen. Duce te , Sicanus
 Ales Edonam feriat trifulco
 Fulmine classem.

Ni piâ flecti docilem querelâ
 Præbeas aurem , LILYBÆA gignent

Saxa

Saxa cupressus, reuuetque palmas
 Victa SELINUS.

Pulsa Tyrrenis ARETHUSA spumis

Condet Ægæo caput: abdicabit

Cereos fastus HYBLA, ne profanas

Urat ad aras.

Ipsè, ne Thracum famuletur igni,

Distuet CYCLOPS & HELOPUS Hebro

Saucius, nullis sinet esse TEMPE HE-

LORIA pratis.

Ergo te mitem facilisque venæ

Poicimus Divam. Quis ahena civis

Sub tuis unquam remeare vidit

Lustra lupatis?

Ipsa bacchantes cohibere Parcas

Visa, Lethæos ubi per sicanas

Fuderat glebas Libitina tetro as-

lamine succos.

Visa jejunis abolere mensis

Probra campestris hilarare fœtus?

Neve languerent fata, compeditos

Solvere nimbos.

Evio grandes dare visa bouros,

Tila bombici pretiosa, largas

Fluctibus squamas patriisque fidas

Mercibus undas.

Diva, si quondam tua fana vidit

ZANCLA plumosis redimi columbis:

Teque delphinum per laquosa vectam

Cærula dorso;

R s

Sen-

Sentiant tutum SICULI, precamur,
Nobilis dextræ CLYPEUM, priusquam
Spumeas sese jaculetur Helles-
pontus in iras

Pacis optamus bona: neu venusti
Palleant, Lunâ variante, soles;
Et bibat facem sub inauspicatis
Moribus ætas.

Sit suum castis decus omne templis;
Æquitas fasces regat, & decora
Gaudeant figi sine fraude prisco
Jura metallo.

Sit verecundis Hymenœus insons
Arbiter tedis: soboles facellis
Repat, & balbâ simulacra Divûm
Voce saluter.

Cæret annosum superare vellus
Prima lanugo? meliorque quovis
Advenâ civis senium propinquis
Inserat altris.

Uberes frugum speculata fulcos,
Fauftitas flavam simulat procellam,
Et suam baccis tegat, & Lyæo
Palmite cymbam.

Interim centum tibi sacrat aris
Auream, VIRGO, trabeam PANORMUS
Et coruscantem faculis PELORI
Regia FALCEM.

Sternit acclines POLYPHEMUS ignes,
Collis HERÆI latus omne quernum

Poplitem curvat, famulasque præbet

HIMERA Thermas.

Ostreis dives tibi se PACHY NUS,

Seque sapphiris CYANE coronat:

Et LEONTINÆ Cereris fatigat

Horrea campus.

Te cavæ valles, & amica curvis

Fluminum ripis modulatur echo,

Cùm puellarum chorus, & juventæ im-

mixta senectus

Te vocant Matrem, Dominamque nostris

Præsidem tectis, simul & Sicanum

Robur, hostiles quatiente pulchro

Marte phalanges.

Sed tamen quosvis locupletiores,

Viceris posthac, bona Diva, plausus;

Si cruentaris Geticam vibratâ

Cuspide Phœben.

